

續脩臨沂縣志

第一册  
卷一至卷三

12140 259  
12  
2p. 1. k



續修臨沂縣志卷首

序

纂修姓名

凡例

篇目

臨沂縣志



序

續修臨沂縣志序

蓋聞禹紀山川天下形勢阨塞以明漢收圖籍寰宇戶口強弱判分都邑有志由來尚矣良以志書一邑文獻所係舉凡地方制度遞嬗社會生活變遷新舊文化風俗人物罔不博咨周訪備載靡遺其關係世道人心足爲後人取法借鑑者至深且鉅是又不僅知其山川形勢明其戶口多寡已也臨沂古爲瑯琊歷代州郡都邑所在地域遼闊山河錯綜鍾靈毓秀代產偉人余心嚮往者久矣民國二十二年冬余奉檄來守是邦下車後卽披覽舊志以資參攷因知臨沂舊名蘭山爲沂州府治民國改元府制取銷二年改設臨沂縣清乾隆廿五年曾修府志蘭山縣志未嘗修也迨民國四年邑宰沈君兆禕倡修未竟調去楊君孝則繼任踵成名曰臨沂縣志臨沂之有志自此始日月易邁迄今又近廿年社會演進無已人事變遷日繁使遲不續修恐事蹟將就湮沒難資觀感此縣志所以貴續修也余到任後地方未靖政務叢脞對於續修縣志有志未逮適內政部通

臨沂縣志

序

一

令各省轉飭各縣續修縣志值茲國步日艱猶懼文獻失墜通令續修如斯偉舉實獲余心余奉令後卽令經文獻委員會遵章造送續修縣志經費支出預算書計洋一千九百九十六元經地方會議議決由十九年軍費償還券提撥千五百元不足之數由縣府三科於其他結餘項下動支呈經民財兩廳指令照准令行文獻委員會籌辦於二十四年二月八日招集文獻委員會開會討論內部組織縣志局遂於三月一日成立延聘紳耆名宿從事採訪編纂期以六月告竣此奉令籌辦經過之情形也總纂一職推余承乏自維謏陋曷克勝此重任幸賴地方諸紳耆不辭勞瘁共襄盛舉卒底於成此不獨余個人所深謝抑亦地方所慶幸者矣是爲序

中華民國二十四年秋月館陶范築先序於臨沂官邸

續修臨沂縣志序

莒縣莊陔蘭

民國廿四年<sup>陔蘭</sup>承乏莒縣志局臨沂縣長范公築先屬李君靜齋龐君子棟全君章甫以續修邑志就質受而讀之見其部次秩然事實釐然無諱飾無疏漏乃作而歎曰是國史資也豈徒備一邑之文獻哉蓋自民國五年而後至十七年臨沂之亂亟矣始亂以匪繼亂以兵兵匪交乘因以飢饉人民何辜遭此荼毒計十餘年間焚掠徧全境殺擄數千人出兵費至數十百萬暴斂苛征地方損失尙不止此而推原禍始則以地當南北要衝奉直潰軍往來交錯道出其間張宗昌先後派遣翟文林方永昌等坐鎮沂城以固東省右路厥後國軍北伐永昌孤軍抵抗直至十七年春大勢不支始北遁國軍統一山東臨沂乃最後下此具見大事記中宜備國史之采擇者莒縣亦連年被兵然調查統計無如是之詳悉也夫志乘修於太平無事之時歲月寬閒賢士大夫薦紳先生探討文史捃摭檔案乃成官書今則修志事例頒自政府詳其節目本歷史之精神而參以科學

臨沂縣志

序

三

之理智準是述作斯得體要爾乃限以時日迫促勒成視考獻徵文等於簿書期會難矣方縣長之蒞沂也伏莽未平瘡痍未復廓而清之撫而字之威惠並行未及一年而桴鼓不鳴輿誦翕洽乃進文獻委員倡議續修邑志自總厥成分纂諸公不憚奔走蒐羅之力參互攷訂之功六閱月而志事告峻乃能宏綱細目包舉靡遺故事新裁同條共貫抑又難矣異日者文化演進政教修明登循良之上選導建置之先河其卽以斯編爲嚆矢焉可也

序

世治而偃武修文盛事也世未治而武備文事兼營並進亦壯舉也中央  
蔣委員長資兼文武投筆從戎掃除宇內略已平矣乃於息馬論道之餘  
提案決議由內政部通令全國纂修志書我山東省府主席韓公治魯五  
年外患內憂以次削平亦文武之資也聞之甚喜乃轉令各縣我縣長范  
公以旅長宰百里又能文善武卓爾大雅之儔也集邑人士而議之僉曰  
本邑志乘纂修才二十年形形色色變幻固多見見聞聞紀錄較易與其  
改弦而更張不如賡續之易從事也前志仍舊此次分門別類各適其適  
作爲存稿備異日之合修可乎縣長曰可於是籌集用資擇定舊學署於  
本年三月一日開局公推縣長爲總纂孫委員慕僑高祕書韻泉文獻委  
員龐子棟侯雨汀劉幹丞靖葆忱王雲岑爲分纂 宗仁亦濫竽其中焉協  
修者科長牟金泉王孝忱也監修者科長鄭耀華也採訪十六人名譽探  
訪校長鄉鎮長等數百人羣策羣力凡六閱月而告成以付劄劄氏推而  
臨沂縣志

序

四

行之是舉也遠以副國家偃武修文之意徵文考獻之旨近以覘政治之  
翻新人事之推移土宜物產發育災變之一切原因凡耳目所及無巨無  
細無新無故苟有可採悉數載之庶幾乎亦考察得失興除利弊之一助  
也爰述其始末如此

中華民國二十四年九月邑人李宗仁謹述

序

古者封建之世各國史設專官凡所紀錄皆可借鏡晉之乘楚之檮杌魯之春秋章矣墨子生戰國之初猶得見百國春秋可爲國必有史之明證凡以紀事實垂法戒也自郡縣興而史官廢班固志地理司馬彪志郡國均之文體簡略不足當地方之紀載而元和郡縣之志已爲最古之簡編太平寰宇之篇始開方志之體例茫茫宇宙邑乘寥落蓋自秦漢至今縣志動千百年間而付之闕如雖近代以來有志者較多然或百餘年而一修或數十年而一修歷時既久已不得不易編年爲記傳而縣志之成猶且由邑宰與邑人之自動其通令全國纂修者乃曠代而一見何其疎也抑思縣者國之基礎也積縣而成省積省而成國各縣之興衰國之強弱安危係之司政權者欲悉全國縣治之良窳以確定施政之方針非調查表冊所能得其真相則縣志顧不重哉臨沂舊有州志府志而縣志實成於民國五年迄今僅歷年十九似無續修之必要然此十九年間兵匪之

臨沂縣志

序

五

擾害閭閻之疾苦黨政軍警司法之變遷農工商學武備之演進以及經濟之盈虛民社之隆污人文之升降地利已未開闢交通有無缺陷救荒恤貧諸善政是否舉行不一一彙成縣志何所資以撮其得失而定其興革天下事有似緩而實急者此類是也及是時類纂成編著爲成敗興壞之紀使治亂之迹昭然在人耳目在本縣可以興利除弊在中央可以彙集合閱統計千百邑之現狀或惕於多難而興邦或察其癥瘕而施治審時度勢以運用補救之方其收效殆較封建時各國之實錄有過之無不及也豈僅備修國史而已哉本年春奉令開局纂修霖不敏濫竽其次謬膺實業民社諸編輯其餘從諸君子後亦稍稍得參末議而限期甚迫資料難於徵集採訪所得不及十之二三不獲已奔走蒐羅摭拾衆說參互考訂彙爲成書計六閱月而蒞事竊幸縣志之告成而深希國步之進展謹弁以數語以貢當道餉國人藉以紓杞憂於萬一也而第二云序述巔末猶後矣

中華民國二十四年九月

邑人侯作霖序

序

建國以地方爲基礎凡物力之豐耗民生之休戚文化之良窳風俗之淳駁隨在皆足以覘政教之當否而爲措施之助苟不洞悉其情形僅據一二調查表冊以從事興革削足適履差毫釐而謬千里雖日言注重下層工作無當也縣之有志乃地方之實錄徵特徵文考獻有關掌故而政治之進行且可據過去以規將來事雖限於一邑合之則全國瞭如指掌欲識地方之真相舍縣志何以乎吾邑縣志成於民國五年爲時未久似無續修之必要然以數年來軍閥之糜亂土匪之蹂躪傲然民上者之濫用威權農村破產市井蕭條元氣至今未復過度時代一大變局也况訓政時期與民更始行政司法均已變其組織建設自治均已肇其端倪不詳爲志之時過境遷考證何從縣長范公築先蒞任後勞怨不辭者年餘縣政甫上軌道乃上承政府命於本年三月設局修志越六月而告成回憶五年纂修時<sup>梁</sup>曾珥筆從事此次復得隨諸君子後曾幾何時而地方狀況疊經滄桑殊令人不勝今昔之感也雖然破壞者建設之基已往者未來之鑒留心民治者得是編而存之於地方或不無小補乃或者視爲粉飾太平則誤矣

中華民國二十四年九月

邑人龐作梁序

纂修姓名

督修兼總纂

臨沂縣縣長

館陶范築先

協修

臨沂縣政府第五科科长

德縣牟金泉  
長山王盛廉

監修

臨沂縣政府第三科科长 郟城鄭繼武

分纂

文獻委員會委員長 邑人李宗仁

文獻委員會委員 邑人龐作梁

文獻委員會委員 邑人侯作霖

文獻委員會委員 邑人劉樹植

文獻委員會委員 邑人靖鎰

臨沂縣志

七

文獻委員會委員 邑人王峻範

臨沂縣政府秘書 沛縣高韻泉

臨沂縣政府科員 唯甯全章甫

臨沂縣黨部委員 邑人孫慕僑

採訪員

王廷珍 劉希恩 韋先登 楊鑑泉

陳春台 張伯路 趙子玉 張仰山

杜鴻翽 趙次誠 于魁甲 李寶書

張閣梅 宋懋 王子慎 王伯孚

潘西池

名譽採訪員

楊鵬 劉浚汾 石摺臣 楊紫宸

胡次章 王文軒 傅普仁 孫汝枚

張學純	管壽亭	甄一臣	王書鼎
高樹屏	傅象乾	劉宗彥	李東山
郭景春	王伯舉	郭永陽	李熙如
王瑞春	金蘭譜	郝見可	胡佩紹
王擇菴	李鳳池	劉子受	張式亭
傅慕韓	周慶譽	周學三	尤次瑤
胡伯衡	劉樂齋	袁均昭	尤光照
高堯章	謝子明	李信余	徐映斗
林小川	顧逸仙	王蘭生	閔藍田
趙士吉	郭永惠	宋椿萱	張吟東
呂錦雲	周啓宇	孟昭煦	馬鴻恩
宋仲熙	楊樹基	王家昌	崔光宸
鄭漢助	胡九齡	魏雨軒	李傳贊

臨沂縣志

八

高士英

周自安

徐興寬

文牘兼事務員

李象斗

書記員

劉丁寅

凡例

一續修縣志本應與前志綜合爲一惟以前志距今僅二十稔時期甚短不便更張致失前志之真故此次續修臆短鶴長各適其適與前志各自爲編不相牽混

一前志成於民國五年此次續修除擇要補遺外概自五年起至二十四年八月底止與前志銜接以昭劃一

一本志分圖表記志四綱而各項子目以類相從其有關地方掌故而限於體例無類可入者別爲志外篇附後

一時局變遷人事因之本志篇目較前志略有增損乃順應時勢非前志之略也

一本志對於藝文人物必須事久論定方准列入生存者一概不錄其餘各門不在此例

一黨務一門志中創例故由黨部自行負責編纂

臨沂縣志

九

一本縣地面遼闊採訪容有未周謹就蒐集所及加以整理其漏採及傳聞異辭者暫付闕如以期核實

篇目

卷一

圖

臨沂縣全圖 城關圖 交通圖 名勝圖

卷二

表

疆域沿革表 職官表 宦蹟補遺表 選舉表 科舉補遺表  
畢業生表 仕進表 榮典表

卷三

記

大事記

卷四

志

臨沂縣志

篇目

十

輿地志

氣候雨量 幅員 山脈水系 地質 物產 地方區畫沿革  
古蹟名勝

卷五

黨務志

黨史 傳略 黨部 農會 工會 商會

卷六

政務志

縣政

縣政之沿革 組織 經費 地方自治

附自治職員沿革

卷七

財政

田賦 鹽政 郵政 課稅表 附捐表 公款表 第四科收支表

第五科收支表

卷八

教育

學制 學校 社會教育 新聞社 進德會

卷九

實業

農業 水利 工業 礦業 商業 集會 度量衡

卷十

交通 附建設

郵政 電報 電話 汽車路 橋梁

卷十一

防衛

民團大隊 公安局 附民團勦匪 聯莊會 駐軍 國術

臨沂縣志

篇目

十一

卷十二

司法志

法院 監獄 看守所

卷十三

民社志

戶口 宗教 禮俗 歲時

卷十四

文獻志

典禮

卷十五

藝文 著述 金石 附文獻委員會

卷十六

人物

卷十七

列女

志外編

臨沂縣志



篇目

十二

續修臨沂縣志卷一

圖

文明日啓圖說尙矣舉凡建築製造行軍航海之類莫不惟圖是賴較古之嘉陵契丹流民無遺幽風諸圖僅足以繫人懷思發人深省者尤爲切要况城鄉之位置山川之脈絡道里之修阻以及古賢遺跡山林名勝有近在桑梓而畢生未能悉其梗概者必欲一一親歷其地其勢不能有圖以明之則披覽之餘瞭如指掌矣前志分合各圖已具大概茲更製全縣及交通城關各圖而以古蹟名勝圖附焉

插圖

縣志局全體職員攝影

孝河（晉王祥臥冰處）

諸葛祖墓（漢諸葛亮之祖墓）

瑯琊王塚

晉王右軍洗硯池

漢疏廣疏受散金城

蘭陵荀卿墓

文峯山季文子墓

五賢祠

集柳碑亭

沂河橋

雙榆山（在縣政府後花園）

臨沂縣志

插圖

目錄

湯山溫泉

朱陳寶泉寺

漢代田獵畫像

漢代車馬像

漢執器造像

漢伏女傳經畫像

集柳碑

北齊北徐州興復寺碑

隋橋像碑

隋密洪範等橋像碑

念紀影攝員職體全局志縣沂臨月一十年四廿國民



影攝員職體全局志縣



（處冰臥祥王）河孝



墓祖葛諸